

中国边疆研究资料文库·边疆史地文献初编

西北邊疆

第二輯

中国边疆研究资料文库·边疆史地文献初编

西北邊疆

第二輯

新疆巡警章程摺稿





署甘肅新疆巡撫臣吳引 跪

奏爲新疆巡警重加整頓謹將現辦情形酌擬章程
繕具清單恭摺仰祈

聖鑒事光緒三十一年九月初十日內閣欽出奉

上諭巡警關係緊要迭經諭令京師及各省一體遵辦
自應專設衙門俾資統率著即設立巡警部各省巡
警並着該部督飭辦理等因欽此嗣准巡警部咨開

所有各省近年辦理巡警章程及警務學堂設立
幾所警兵共有若干經費如何籌給並現在所辦
巡警實在情形希即轉飭詳晰查明隨具清冊迅
速咨送以憑考覈等因咨行到新當飭司電等因
實查覈去後茲據署布政使和 署鎮迪道兼按
察使銜黃 詳稱新省巡警自二十年前無臣
潘 於省城創設巡警警局官弁兵丁共四百員

各總局分局係就舊有保甲改設局員即由保甲
改充其兵丁則歸協營管轄二三年來雖辦理粗
有規模惟營局分設事權不一終不免有隔閡之
虞曾經臣與司道等商飭將巡警營兵裁併歸局
以臬司總其成仍派提調駐局坐辦並令參考前
定章程斟酌損益迄今兩月有餘各局員稽察操
防較從前倍加勤奮地方亦極安謐據司道等詳

請

奏咨立案前來臣查東西各國警察官吏皆係卒業
中學之人即警察亦皆有六年小學之資格又自
立警察專門以教之蓋其責任至重權限至嚴苟
非深明其法制竊恐衛民適足以殃民新省地處
寒瘡風氣乍開情形本與內地迥殊所訂章程
宜與民智民習之程度相應而後可免流弊現在

酌量變通尚屬妥協仍當督飭司道等實力講求
無得始勤而終惰俟籌有的款擬再創立警務學
堂以期逐漸推廣至各道屬府廳州縣早已飭令
就地籌款一律開辦合無仰懇

入恩俯准

切部立案所有新疆巡警重加整頓謹將現辦情形酌
擬章程繕具清單各緣由除咨巡警部查照外謹

會同陝甘總督臣升
合詞恭摺具

奏伏乞

皇太后

皇上聖鑒訓示謹

奏

光緒三十一年三月

日

謹將新疆巡警酌改章程繕具清單恭呈

御覽

計開

一省城原設巡警兵一營共四百員各歸城守協管

轄其局員由候補中丞充事權不一責任難專茲

特裁汰歸併不曰營而曰局除挑選年力精壯略

識文字者俾充巡查兵丁外餘飭城守協酌量汰

留以爲防守關廂城門之用

一城內巡警總局係就保甲總局改設換發新疆省
城巡警總局關防仍由臬司總其成以知府同知
直隸州爲提調中段東南西北四隅西南兩關巡
警分局係就保甲分局改設換發巡警分局鈐記
照舊委州縣爲正巡佐職爲副巡

總局

提調一員

文案兼收發一員

總查一員

總巡一員

清書一員

傳號一名

正教習一名

巡長二名

巡丁四十四名

馬夫一名

火夫一名

分局

正巡官七員

副巡官七員

巡弁七員

巡記七名

副教習一名

巡目三十四名

巡兵一百四十名

巡丁三十名

棚夫十八名

火夫七名

以上官弁兵丁夫役共二百九十四員名內巡
目巡兵一百七十五名係由原設巡警營四百
員名內選撥其餘官弁丁夫均就各局酌量增
改

一新疆用款專恃協濟本也無計籌措提調以下薪
公口糧向由新餉所領發惟總分各局雜費銀二